



JESHI LA WOKOVU

TAMKO LA MSIMAMO WETU KIMATAIFA

UTOAJI MIMBA



TAMKO LA MSIMAMO

Jeshi la Wokovu linaamini kwamba watu wote wameumbwa kwa mfano wa Mungu na kwa hiyo wana thamani ya kipekee na ya ndani. Maisha ya mwanadamu ni matakatifu hivyo lazima watu wote watendewe kwa utu na heshima. Jeshi la Wokovu linakubali kwamba yai linaporutubishwa huo ndio mwanzo wa maisha ya mwanadamu. Tunaamini kwamba jamii ina wajibu wa kuwajali wengine, na hasa kuwalinda na kukuza ustawi wa watu walio katika mazingira hatarishi, ikiwa ni pamoja na watoto ambao hawajazaliwa.

Jeshi la Wokovu linaamini kwamba maisha ni zawadi kutoka kwa Mungu nasi tunawaijibika kwa Mungu kwa kutoyakatisha. Kama hivi, Jeshi la Wokovu linataabishwa kuhusu kuongezeka kukubalika kwa utayari wa kutoa mimba, jambo ambalo linadhihirisha kutokujali walio katika mazingira hatarishi ikiwa ni pamoja na wale ambao hawajazaliwa. Hatuamini kwamba mapungufu ya kimaumbile yanayogundulika ndani ya mtoto ambaye hajazaliwa ambaye anatarajiwa kuishi kwa muda baada ya kuzaliwa yanatosheleza kuidhinisha kusitisha ujauzito.

Jeshi la Wokovu linatambua mazingira ya kusikitisha na kutatanisha yanayohitaji maamuzi mazito kuhusu ujauzito. Maamuzi lazima yafanye tu baada ya kuzingatia kwa maombi na kutafakari, tukikiri msukumo mkubwa unaojitokeza wakati wa mimba isiyotarajiwa. Kuna wajibu kwa wote wanaohusika kuwapa wazazi wa mtoto

ambaye hajazaliwa, hasa mwanamke, ushauri sahihi wa kichungaji, kimatibabu na ushauri mwingine. Jeshi la Wokovu linaamini kwamba kutoa mimba kunaweza kufanyika pale tu:

- Kuendelea na mimba hiyo kunahatarisha sana maisha ya mama; au.
- Hatua za uchunguzi za kuaminika zimegundua hali isiyo ya kawaida ya mtoto ambaye hajazaliwa ambayo haitamruhusu aishi kwa muda baada ya kuzaliwa.

Kwa kuongezea, kubakwa na kujamiiiana ni matendo ya kikatili yanayotawala kuwakiuka wanawake kimwili na kihisia. Hali hii inawakilisha swala maalum la kufikiriwa kuhusu kutoa mimba kwani kukiuka kulikofanywa kunaweza kufungwa na haja ya mimba kuendelea.

Jeshi la Wokovu linathibitisha na kuunga mkono wataalamu wanaohusika na kuwasaidia wanawake waja wa zito wanaojisikia kwamba kwa msimamo wa kiimani, au kimaadili, hawawezi kujihuisha kwa namna yoyote na utekelezaji wa utoaji wa mimba.



MSINGI NA YALIYOMO

Kutoa mimba kunaelezwa kuwa ni upasuaji au njia nyingine yoyote za kuharibu mimba kabla mtoto hajakua. Maelezo haya yanaeleza utoaji mimba kwa kushawishiwa au kuchagua mwenyewe na ndilo swala linalofikiriwa katika tamko la msimamo huu. Swala hili lisichanganywe na utoaji mimba wa hiari au kuharibika kwa mimba wakati ujauzito hukoma kwa sababu za kawaida.

Kila mwaka wanawake milioni 210 hugundua wana mimba. Kati ya mimba hizi milioni 80 hazitafikia ukua ji kamili. Kati ya hizi mimba milioni 42 zinakomeshwa kwa utoaji mimba wa kushawishiwa, na milioni 20 ni kinyume na sheria.

Kutoa mimba sio swala jipya la jamii

Utoaji mimba kwa kushawishiwa – tendo la makusudi la kukomesha mimba – sio utaratibu mpya. Imerekodiwa katika historia ikiwa ni pamoja na ustaarabu wa zamani wa jamii za Wachina na Wamisri na Warumi na Wagiriki. Mifumo ya utoaji mimba inayotenda kazi duniani na katika rika zote inafanana sana. Wakati wanawake wamekabiliwa na mimba wasizozitaka wengine wamegeukiwa kuzitoa-bila kujali vikwazo vya imani wala sheria na mara nyingi kwa hatari kubwa.

Wanawake hutafuta kutoa mimba kwa sababu nyingi

Kutoa mimba kusichukuliwe kuwa ni ufumbuzi wa haraka wa usumbufu au mimba ambayo haikupangwa. Sababu nyingi na nzito za kwanini wanawake hutafuta kutoa mimba haziwezi kutupiliwa mbali kuwa ni upuuzi au zisizozingatiwa. Hali binafsi hudhihirisha mambo magumu ambayo wanawake hukabiliana nayo duniani katika maeneo yote ya maisha. Sababu nyingine za ndoa zisizopangwa zinatawaliwa sana na uwanja wa umasikini, vita au magomvi dhidi ya wanawake. Sababu nyingi za kwanini wanawake hawawezi kujilinda na mimba zisizopangwa zinashawishiwa na utamaduni, jamii au vipengele vya uchumi.

Kubaka kama silaha ya vita

Kubaka, ukahaba wa kulazimishwa, na aina nyingine za ukatili wa ngono hutokea wakati wa vita au kama uchaguzi wa askari binafsi lakini vile vile kama mbinu ya kivita ya kumdhalilisha adui. Matukio yaliyotokea na kurekodiwa yapo kwa maelfu mengi. Wale wanaopata mimba kwa matokeo haya hubeba mzigo wa kuwa kumbukumbu kwa jamii nzima ya jeshi lao kutokuwa na uwezo.



MSINGI WA MSIMAMO WA JESHI LA WOKOVU

Kanuni kadhaa za Biblia na theolojia ni msingi wa msimamo wa Jeshi la Wokovu kuhusu utoaji mimba.

Utakatifu wa maisha

Jeshi la Wokovu linaamini katika utakatifu wa maisha ya binadamu. Binadamu aliumbwu kwa mfano wa Mungu (Mwanzo 1:27). Watu wote – bila kubagua – wanathamani mbele zake, wakiwa na nafasi maalum katika uumbaji wake (Zaburi 8:5), bila kujali umri, jinsia, kabilia, imani, afya au hali ya kijamii au uwezo wake wa kupata mafanikio. Biblia imeweka wazi kwamba maisha ya binadamu ni matakatifu: ni Mungu ndiye atoaye uhai (Matendo 17:25) na ni Mungu ndiye anayeamua lini maisha hayo yatakoma (Zaburi 104:29). Hasa kanuni haki ya maandiko ya kuishi ya mtu asiye na hatia imewekwa imara katika (Isaya 59:7, Yeremia 22:3).

Mwanzo wa maisha ya mwanadamu na utu wake

Kuhusika kwa Mungu na wanadamu ni pamoja na maisha katika tumbo la uzazi (Zaburi 139:13-16, Yeremia 1:5). Hii imeonyeshwa katika sheria ya Agano la Kale inayotaka adhabu itolewe kwa wale wanaosababisha kiumbe katika tumbo la uzazi apoteze maisha (Kutoka 21:22-23). Ziara ya Mariamu kwake Elizabeti (Luka 1:39-45) ni kama inadhihirisha kuendelezwa kwa maisha kutoka kwa kiumbe aliye katika tumbo la uzazi. Ingawa haijatajwa moja kwa moja kuwa ni utoaji wa mimba, hii inamaanisha kwamba uamuzi wowote wa makusudi wa kusitisha maisha ya mtoto ambaye hajazaliwa ni kukiuka utakatifu wake na kwa hiyo ni swala zito sana linalohitaji kuhesabiwa haki na Mungu.

Hiari

Sehemu ya zawadi ya Mungu kwa maisha ya binadamu ni hiari yetu na uwezo wa kufanya maamuzi (Zaburi 1:29; Isaya 7:15-16). Watu wengine wanaweza kukanusha kwamba, licha ya utakatifu wa maisha, mama ana haki ya kuchagua kama anataka kuendelea na ujauzito au hapana na kwamba haki yake ya kufanya hivyo iko juu ya mtoto ambaye hajazaliwa. Hii haiendani na Mungu anayewajali na kuwalinda wanyonge na waliotengwa (Mambo ya Walawi 19:14, 33-34) na Mungu ni Mungu wa haki (Zaburi 140:12, 146:7-9). Dhana ya haki za binadamu lazima iendane na ule wajibu wa binadamu. Katika swala la kutoa mimba, wajibu wa Mkristo wa kuwalinda walio katika hatari hautakiwi kuwekwa pembeni.



MAJIBU KWA VITENDO

1. Jeshi la Wokovu linashikilia wazo la Kikristo la usafi wa moyo kabla ya ndoa na uaminifu ndani ya mahusiano ya ndoa, na linahimiza kila mmoja aishi kwa kudumisha mawazo haya.
2. Kujitoa kikamilifu kulinda na kulea ambaa hawajazaliwa hutuita tujitoe kuzuia mimba zisizotarajiwa kuptitia kwa njia kama kuwa na uwezo wa kufikia udhibiti wa uzazi unaoaminika, usalama katika mahusiano, na heshima ya jamii kwa wanawake.
3. Jeshi la Wokovu huchukulia kwa uzito mahitaji, haki na wajibu wa wazazi na watoto ambaa hawajazaliwa wakati wa kufikiria swala la kutoa mimba.
4. Wakati mimba isiyotarajiwa ikitokea, Jeshi la Wokovu hushauri wazazi wapate msaada wa matunzo kwa ajili ya mahitaji yao ya kihisia, kimwili, kijamii na kiroho, na kwamba mtoto ambaye hajazaliwa apokelewe.
5. Tunakubali kwamba misaada ya kisheria ya wanawake kutoa mimba ipo katika nchi kadhaa. Kinyume chake kusitisha kunatakiwa kuchunguzwe kikamilifu kila mara wakati ushauri unatolewa kwa mwanamke mwenye mimba na wale ambaa wanamsaidia yeye na mtoto wake ambaye hajazaliwa.
6. Jeshi la Wokovu linatafuta kuwasaidia wanawake ambaa wametoa mimba, kwa kuwapa matunzo na heshima katika hali ya upendo bila ubaguzi. Jeshi la Wokovu vile vile litaonyesha upendo, huruma na ushirika kwa wote watakaokuwa wameathirika.
7. Jeshi la Wokovu linatambua kwamba uamuzi wa kusitisha mimba huja na athari za kihisia na kimwili kwa miaka mingi, mara nyingi ikiharibu mahusiano na thamani ya utu wa mtu binafsi.
8. Mimba zisizotarajiwa mara kadhaa ndiyo sababu ya hali duni ya kijamii, umasikini na vita. Jeshi la Wokovu litatetea jamii inayokuza utu uzima, uhuru, thamani ya maisha na maendeleo ya uwezo wa kila mmoja.





KUMBUKUMBU

Brown, H. (2007).

Abortion round the world. British Medical Journal, 335 (7628), 1018-9. doi: 10.1136/bmj.39393.491968.94

Guttmacher Institute. (1996-2010).

Advancing sexual and reproductive health worldwide through research, policy analysis and public education.
Retrieved from <http://www.guttmacher.org>

Sedgh, G., Henshaw, S., Singh, S., Åhman E., & Shah, I.H. (2007).

Induced abortion: estimated rates and trends worldwide. The Lancet, 370 (9595), 1338–45.
doi: [http://dx.doi.org/10.1016/S0140-6736\(07\)61575-X](http://dx.doi.org/10.1016/S0140-6736(07)61575-X)

World Health Organisation (WHO). 2008.

Unsafe Abortion Global and Regional Estimates of the Incidence of Unsafe Abortion and Associated Mortality in 2008.
Retrieved from http://whqlibdoc.who.int/publications/2011/9789241501118_eng.pdf

Imepitishwa na Jenerali, Novemba 2010.

Mawazo yaliyoelezwa katika tamko la msimamo
wetu kimataifa ndiyo msimamo rasmi wa Jeshi la
Wokovu kuhusu maswala yaliyoelezwa, na hayatakiwi
kubadilishwa kwa njia yoyote bila ya idhini ya Makao
Makuu ya Kimataifa kwa maandishi.

